

## Oqaasiliortut oktobarip 8-anni 2020-mi ataatsimiinnerannit imaqarniliaq

### **Peqataasut:**

Oqaasiliortut: Mariia Simonsen, Karen Ramsøe, Knud Møller & Hans Kristian Olsen

Oqaasileriffimmit: Lisathe Møller & Katti Frederiksen

### **Oqaluuserisassat:**

1. Oqaluuserisassat akuerineqarnerat.
2. Kingullermik ataatsimiinnermit imaqarniliap akuerineqarnera.
3. Siulittaasumit Oqaasileriffimmillu ilisimatitsissutit.
  - a. *Oqaasileriffimmit ilisimatitsissutit*
4. Suliat allat pillugit ilisimatitsineq
  - a. *Inuit aqqi pillugit saaffiginnissutit*
  - b. *Taaguutilerinermi suleriaatsinik saqqummiineq*
5. Aalajangiivigisassat allat:
  - a. *Oqaasiliortut suleriaasiat*
  - b. *Ukiumoortumik nalunaarussiaq 2019 (suleriaatsimi § 9)*
  - c. *2021-imut aningaasanut missingersuut (suleriaatsimi § 9)*
6. Kalaallisut taaguusigassat:
  - a. *Epidemikommisionen*
  - b. *Isikkamik arsarnermi taaguusersuutit akuerineqarnissaat*
7. Ataatsimiinnissap tulliata ullulerneqarnera.
8. Tamalaat.

### **Imaqarniliaq**

#### **1. Oqaluuserisassat akuerineqarnerat**


Oqaluuserisassat tulleriinneri qulaanisut allannguuteqartinneqarlutik akuerineqarput.

#### **2. Kingullermik ataatsimiinnermit imaqarniliap akuerineqarnera.**

24/9- 2020 ataatsimiinnermit imaqarniliaq akuerineqarpoq.

#### **3. Siulittaasumit Oqaasileriffimmillu ilisimatitsissutit.**

a. Siulittaasup ilisimatitsissutigaa Juaaka Lyberth Oqaasiliortunut ilaasortaanerminit tunuarsimasoq namminersortutut sulinerminut isertitallu eqqarsaatigalugit naapertuukkunnaarmat. Oqaasileriffimmit ilisimatitsissutigineqarpoq taaguusiornermik ilisimatuup Henrik Nilssonip Oqaasiliortunut saqqummiinissaa pisinnaangortoq,



aalajangerneqarporlu oktobarip 21-anni tamanna pissasoq. Ilisimatitsissutit sinnerit tusaatissatut tiguneqarput.

#### **4. Suliat allat pillugit ilisimatitsineq**

a. *Inuit aqqi pillugit saaffiginnissutit* tusaatissatut tiguneqarput.

Ataatsimiinnerup kingulliup kingorna aqqit Oqaasiliortunit akuersissutigineqartut tassaapput nukappiaqqat aqqi **Aqqalutsi Inγκasilu**.

- **Aqqalutsi** ilaasortanit tamanit tallimanit akuersissutigineqarpoq.

- **Inγκasi** amerlanerussuteqartut akuersissutigaat pingasut, ilaasortat marluk akuersinerminnik akuersinnginnerminnulluunniit nalunaangillat.

b. *Taaguutilerinermit suleriaatsinik saqqummiineq*

Lisathe Møller taaguutilerinermit suleriaatsinik saqqummiivoq.

#### **5. Aalajangiivigisassat allat:**

a. *Oqaasiliortut suleriaasiat*

Oqaasiliortut suleriaasissaattut Ilinniartitaanermit, Kultureqarnermut Ilageeqarnermullu Naalakkersuisoqarfiup atsiugassatut 2018-imi akuerineqartumit allaanerussuteqarmat iluarsaataq akuerineqarpoq. .

§ 4 ima allanngortinneqarpoq:

*Oqaluuserisassatut siunnersuutit pisariaqarpallu taakkununnga ilanngussat*

*Oqaasileriffimmut nassiunneqareersimassapput ataatsimiinnissaq kingusinnerpaamik*

*ullunik suliffiusunik **arfineq-marlunnik** sioqqullugu. Pissutissaqavitsillugu siulittaasooq*

*pisinnaatitaavoq killiliussamik allanngortitsissalluni. Ullormut oqaluuserisassat*

*siulittaasumit akuerineqassapput.*

b. *ukiumoortumik nalunaarusiaq 2019 (suleriaatsimi § 9)*

2019-imut ukiumoortumik nalunaarusiaq naqqiissorneqareermat akuerineqarpoq.

c. *2021-mut aningaasanut missingersuut (suleriaatsimi § 9)*

2021-mut aningaasanut missingersuut Ilinniartitaanermit, Kultureqarnermut Ilageeqarnermullu Naalakkersuisoqarfimmut ingerlateqqinneqareersoq Oqaasiliortunit

misissuataarneqarpoq. Aningaasanut missingersuutip Naalakkersuisoqarfimmut

nassiunneqartinnani Oqaasiliortunut akuerisassanngorlugu saqqummiunneqaaqqaartarnissaa kissaatigineqarpoq, soorlu suleriaatsimi tamanna aalajangersarneqarsimasooq.

#### **6. Kalaallisut taaguusigassat:**

a. *Epidemikommisionip kalaallisut taaguusernissaa.*

Epidemikommisionip kalaallisut taaguutissaata eqqartunnginnerani

Oqaasiliortut maajip 28-anni 2008-mi kommissionimut taaguutissatut aalajangigaat

*isumalioqatigiissitat* eqqartorneqarpoq. Oqaasiliortunit siornatigut taaguutissatut

aalajangiussaareersoq ilumut qasseersiutaasariaqarnersoq eqqartorneqarpoq.

# Oqaasiliortut

The Language Council of Greenland



*Isumalioqatigiissitat* qasseersiutaassasoq aalajangiigamik tunngavilersuutigisimavaat isumalioqatigiissitat qinikkanik taamaallaat ilaasortaqaratik avataanit allanik ilaqartarnerat. Taamani Oqaasiliortuni siulittaasup sianerfigineqarluni taama nassuiarpaa. Epidemikommisionip taaguutaa allanngortinneqanngikkallarpoq misissuisoqarluareerpat uterfigineqarumaarluni. Aalajangigassami uani uniffigineqartut ilagaat Oqaasiliortut aalajangeriigaat allanngortinneqassagaangata tunngavissaqarluartarnissaq.

*b. isikkamik arsarnermi taaguusersuutit* akuerineqarnissaat Kinguartinneqarpoq.

## **7. Ataatsimiinnissap tulliaat ullulerneqarnera.**

5/11-2020 nal. 10-14 ataatsimiiffiusaaq.

## **8. Tamalaat.**

Ataatsimiinnermi peqataasut:

---

Mariia Simonsen  
siulittaasooq

---

Karen Ramsøe  
siulittaasup tullia

---

Hans Kristian Olsen  
ilaasortaq

---

Knud Møller  
Ilaasortaq